



千金方

二十

卷之七

九蟲

咳嗽

肝門

大腸脈論

痰飲

皮虛實

大腸虛實

武9
175
20



孫真人備急千金要方卷之五十七

規七

宋胡奉郎守太常少卿充祕閣校理林億等校正

大腸腑方

大腸腑脉論第一

論曰大腸腑者主神也其經出於中央是為魄也即合於大腸大

腸者為行道傳導之別也其經會於重二十寸上而長一丈二

尺廣六寸當臍右同疊積還反十二曲貯水穀一十二升五合

其定脈和利精神大四十寸通一十二寸一十二寸六曲感長丁

身遂以表以表大腸

前寸口陽明胃經也



明中武
卷 20

篤信堂

同治

孫真人備急千金要方卷之五十七

規七

宋朝奉郎守太常少卿文祕閣校理林億等校正

大腸腑方

大腸腑脉論第一

論曰大腸腑者王肺也鼻柱中央是其候也肺合氣於大腸大腸者為行道傳寫之腑也號監倉掾重二斤十二兩長一丈二尺廣六寸當臍右回疊積還及十二曲貯水穀一斗二升王十

二時定血脉和利精神千金明堂外臺同難經云長一丈一尺升半

斗水七升半鼻遂以長以候大腸

右手關前寸口陽絕者無大腸脉也若少氣心下有水氣立秋

治明

篤信堂

節即效刺手太陽治陰在魚際間

右手關前寸口陽實者大腸實也苦腸中切痛如針刀所刺無
休息時刺手陽明治陽在手腕中瀉之

大腸病者腸中切痛而鳴濯濯日重感于寒則泄當臍而痛不
能久立與胃同候取巨虛上廉

腸中雷鳴氣上衝胃喘不能久立邪在大腸刺盲之原巨虛上
廉三里

大腸脹者腸鳴而痛寒則泄食不化

大腸有寒鶩溇有熱便腸垢

大腸有宿食寒慄發熱有時如癰狀

肺前受病移於大腸肺欬不已欬則遺失便利厥氣客於大腸
則夢田野

肺應皮皮厚者大腸厚皮薄者大腸薄皮緩腹裏大者大腸緩
而長皮急者大腸急而短皮滑者大腸直皮肉不相離者大腸
結

扁鵲云手太陽與陽明為表裏大腸若病實則傷熱熱則脹滿
不通口為生瘡食下入腸腸實而胃虛食下胃實而腸虛所
以實而不滿乍實乍虛乍來乍去虛則傷寒寒則腸中雷鳴泄
青白之利而發於氣水根在大腸水方見治大腸絕不治何以
知之泄利無度利絕則死

手陽明之脉起於大指次指之端外側循指上廉出合谷兩骨之間上入兩筋之中循臂上廉上入肘外廉循臑外前廉上肩出髃骨之前廉上出柱骨之會上下入缺盆絡肺下膈屬大腸其支者從缺盆直而上頸貫頰入下齒縫中還出俠口交人中左之右右之左上俠鼻孔是動則病齒痛頰腫是主津所生病者目黃口乾靴衄喉痺肩前臑痛大指次指痛不用氣盛有餘則當脉所過者熱腫虛則寒慄不復成者則人迎大三倍於寸口虛者則人迎反小於寸口也

大腸虛實第二脉方灸法

大腸實熱

右手寸口氣口以前脉陽實者手陽明經也病苦腸滿善喘欬面赤身熱喉咽中如核狀名曰大腸實熱也生薑泄腸湯治大腸實熱腹脹不通口爲生瘡者方

- 生薑
- 橘皮
- 青竹茹
- 黃芩
- 梔子仁
- 白木
- 桂心
- 茯苓
- 砒硝
- 地黃
- 大棗

右十一味以水七升煮取三升去滓下砒硝分二服治腸中臌脹不消方

灸大腸輸四十九壯

大腸有熱腸鳴腹滿俠臑痛食不化喘不能久立巨虛上廉主

大腸虛冷

右手寸口氣口以前脉陽虛者手陽明經也病苦胃中喘腸鳴
虛渴唇乾目急善驚泄白名曰大腸虛冷也

黃連補湯治大腸虛冷痢下青白腸中雷鳴相逐方

黃連兩四 茯苓 芎藭各三兩 酸石榴皮片五

伏龍肝雞子大枚地榆兩

右六味以水七升煮取二升半去滓下伏龍肝末分三服

治腸中雷鳴相逐痢下方

灸承滿五十壯穴在俠巨闕相去五寸巨闕在心下一寸

灸之者俠巨闕兩邊各二十半

治腸中常鳴時上衝心方

灸臍中

食飲不下腹中雷鳴大便不節小便赤黃腸綱主之

腹脹腸鳴氣上衝胃不能久立腹中痛濯濯冬日重感於寒則

泄當臍而痛腸胃間遊氣切痛食不化不嗜食身腫俠臍急

樞主之腸鳴而痛溫留主之

肛門論第三

論曰肛門者主大行道肺大腸候也號為通事令史重十二兩

長一尺二寸廣二寸三分應十二時若臟傷熱則肛門閉塞大

行不通或腫縮入生瘡若腑傷寒則肛門開大行洞寫肛門凸
出良久乃入熱則通之寒則補之
虛實和平依經調理方見別卷中

皮虛實第四論

論曰夫五臟六腑者內應骨髓外合皮膚膚肉若病從外生則
皮毛膚肉關格強急若病從內發則骨髓痛疼然陰陽表裏外
皮內髓其病源不可不詳之也皮虛者寒皮實者熱凡皮虛實
之應主于肺大腸其病發於皮毛熱則應臟寒則應腑
胡蘘蒸湯治皮虛主大腸病寒氣關格方

胡蘘蒸湯治皮虛主大腸病寒氣關格方

菖蒲葉 升切二

桃葉皮枝 升剉二

細糠 斗一

秣米 升五

右五味以水一石五斗煮取米熟為度大盆器貯之於盆上
作小竹牀子置盆人身坐牀中四面周迴將薦薦障風身上
以衣被蓋覆若氣息時開孔對中泄氣取通身接汗可得兩
食又許如此三日蒸還溫藥足汗用之若盆裏不過熱盆下
安炭火非但治寒但是皮膚一切勞冷悉皆治之
梔子煎治皮實主肺病熱氣方

- 梔子仁
- 枳實
- 大青
- 杏仁
- 柴胡
- 砒硝各二
- 生地黄
- 淡竹葉各
- 生玄參五
- 石膏八

右十味以水九升煮取三升去滓下碓碎分為三服

欬嗽第五 論證方

論曰經云五臟六腑皆合欬肺居外而近上合於皮毛皮毛喜受邪故肺獨易為欬也邪客於肺則寒熱上氣喘汗出動肩背喉鳴甚則唾血肺欬經久不已傳入大腸其狀欬則遺糞腎欬者其狀引腰背痛甚則欬涎腎欬經久不已傳入膀胱其狀欬則遺尿肝欬者其狀左脇痛甚者不得轉側肝欬經久不已傳入膽其狀欬則清苦汁出心欬者其狀引心痛喉中介介如梗甚者喉痺咽腫心欬經久不已傳入小腸其狀欬則失氣脾欬者其狀右脇痛陰陰引肩背甚者不得動動則欬劇經久不已

研右益有切

傳入胃其狀欬而嘔嘔甚則長蟲出久欬不已三焦受之三焦欬之狀欬而腹滿不能飲食此皆聚於胃關於肺使入多涕唾而面浮腫氣逆也右順時有風寒冷入觸冒解脫傷皮毛間入腑臟為欬上氣如此也有非時忽然暴寒傷皮膚中與肺合則欬嗽上氣或胃脇又痛欬唾有血者是其熱得非時之寒暴寒之不得漸散伏結深喜肺癰也因欬服溫藥欬尤劇及壯熱吐膿血汗出惡寒是也天有非時寒者急看四時方也問曰欬病有十何謂也師曰有風欬有寒欬有肢欬有肝欬有心欬脾欬有肺欬有腎欬有膽欬有厥陰欬問曰十欬之證以何為異師曰欲語因欬言不得竟謂之風欬飲冷食寒因之而欬謂之寒

欬心下堅滿欬則肢痛其脉反遲謂之肢欬欬則引脇下痛謂
 之肝欬欬而唾血引手少陰謂之心欬欬而涎出續續不止引
 小腹謂之脾欬欬引頸項而唾涎沫謂之肺欬欬則耳無所聞
 引腰并臍中謂之腎欬欬而引頭痛口苦謂之膽欬欬而引舌
 本謂之厥陰欬風欬者不下之寒欬肢欬肝欬刺足太衝心欬
 刺手神門脾欬刺足太白肺欬刺手太泉腎欬刺足太谿膽欬
 刺足陽陵泉厥陰欬刺手太陵

夫久欬為淋欬而時發熱脉在九菽一作卒弦者非虛也此為胃中
 寒實所致也當吐之

夫欬家其脉弦欲行吐藥當相人強弱而無熱乃可吐耳欬家

其人脉弦為有水可與十棗湯下之方見下不能卧出者陰不受
 邪故也留飲欬者其人欬不得卧引項上痛欬者如小兒掣縱
 狀夫酒客欬者必致吐血此坐久極飲過度所致也其脉沉者
 不可發汗久欬數歲其脉弱者可治實大數者死其脉虛者必
 善冒其人本有支飲在胃中故也治屬欬家上氣汗出而欬屬
 飲家欬而小便利若失溺不可發汗汗出即厥逆冷

夫病吐血喘欬上氣其脉數有熱不得卧者死寒家欬而上氣
 其脉數者死謂其人形損故也脉大而散散者為氣實而血虛
 名曰有表無裏上氣面附腫肩息其脉浮大不治加刺尤甚上
 氣躁而喘者屬肺脹欲作風水發汗愈

小青龍湯治欬逆倚息不得臥方

麻黃 芍藥 細辛 桂心

乾薑 甘草各三 五味子 半夏各半

右八味以水一斗先煮麻黃減二升去上沫乃內諸藥
煮取三升去滓分三服弱者服半升若渴去半夏加栝蒌
三兩若微瀉去麻黃加芫花如雞子大若食飲噎者去麻黃
加附子一枚若小便不利小腹滿者去麻黃加茯苓四兩若
喘者去麻黃加杏仁半升
青龍湯下已多唾口燥寸脉沉尺脉微手足厥逆氣從小腹上
衝胃咽手足痺其面翕熱如醉狀因復下流陰股小便難時復

全胃作胃

胃者與茯苓桂心甘草五味子湯治其氣衝方

茯苓 桂心 甘草各二 五味子半

右四味以水八升煮取三升去滓分三服溫服

衝氣即低而反更欬胃滿者用茯苓甘草五味子去桂心加乾
薑細辛以治其欬滿方

茯苓 甘草 乾薑 細辛各三

五味子半

右五味以水八升煮取三升去滓溫服半升日三
欬滿即止而更復渴衝氣復發者以細辛乾薑為熱藥也服之
當遂渴而渴反止者為支飲也支飲法當冒冒者必嘔嘔者復

内半夏以去其水方

半夏

五味子

各半升

茯苓

四两

细辛

乾薑

甘草

各二两

右六味以水八升煮取三升去滓温服半升日三

水去嘔止其人形腫者應内麻黄以其人遂痺故不内麻黄内

杏仁方

杏仁

五味子

半夏

各半升

茯苓

四两

细辛

乾薑

甘草

各三

右七味以水一斗煮取三升去滓温服半升日三若逆

而内麻黄者其人必厥所以然者以其人血虚麻黄发其阳

故也

若面热如醉此為胃热上衝熏其面加大黄利之方

大黄

乾薑

细辛

甘草

各三

茯苓

五味子

半夏

杏仁

各半

右八味以水一斗煮取三升去滓温服半升日三

效而上氣肺脹其脉浮心下有水氣脇下痛引缺盆設若有實

者必躁其人常倚伏小青龍加石膏湯主之方

石膏

乾薑

桂心

细辛

各二

芍藥

甘草

各三

麻黄

四

半夏

半

五味子

升

千金方 卷五十一 李杲

右九味以水一斗先煮麻黃減二升下藥者取一升半
強者服三升羸者減之小兒四合仲景用治肺脹效而上氣
煩躁而喘眩暈者心下有

澤漆湯治上氣其脈沉者方

澤漆三斤細切以東流水五斗
煮取一斗五升去滓澄清

半夏半升

生薑

紫苑一作紫參

白前各五兩

黃芩

甘草

桂心

人參各三兩

右九味內澤漆汁中者取五升每服五合日三夜一
麥門冬湯下氣止逆治大逆上氣咽喉不利方

麥門冬汁二升半夏一升

粳米三合

人參

甘草各二兩

大棗二十枚

右六味以水一斗二升者取六升去滓每服半升日三夜一

射干麻黃湯治欬而上氣喉中如水雞聲者方

射干

細辛

欬冬花

紫苑各三兩

麻黃

生薑各四兩

大棗七枚

半夏

五味子各一升

右九味以水一斗二升先煮麻黃去上沫內藥煮
取三升去滓分三服日三

厚朴麻黃湯治欬而大逆上氣胃滿喉中不利如水雞聲其脈

浮者方

厚朴五兩 麻黃四兩 石膏 細辛

乾薑各二兩 小麥一升 杏仁 半夏

五味子各半升

右九味以水一斗二升煮小麥熟去麥肉藥者取三升去滓分三服日三

麻黃石膏湯治上氣胃滿者方

麻黃四兩 石膏一枚雞子大 厚朴五兩 小麥一升

杏仁半升

右五味以水一斗先煮小麥熟去之下藥者取三升去滓分三服深師用治逆上氣喉中如水雞鳴名小枝極湯飲者加五味子半夏各半升乾薑三兩

皂莢圓治欬逆上氣時時唾濁但坐不得臥方

皂莢八兩為末蜜丸如梧子大以棗膏和湯服二九日三

夜必效方以 酥炙皂莢

十棗湯夫有支飲家欬煩胃中痛者不卒死一百日一歲可與此方

大棗十枚 大戟 甘遂 芫花各等分

右大戟甘遂芫花擣為末以水一升五合者棗取八合去滓內藥末強者一錢七羸者半錢頓服之平旦服而不下者明旦更加藥半錢下後自然補養效而引脇下痛者亦十棗湯主之方見前

溫脾湯治食飽而效者方

甘草_{四兩} 大棗_{二十枚}

右二味以水五升煮取二升分三服溫服之若咽中痛

而聲鳴者加乾薑一兩

百部根湯治嗽不得卧兩眼突出方

百部根 生薑_{各一斤} 細辛 甘草_{各三兩}

貝母 五味子 白朮_{各二兩} 桂心_兩

麻黃_兩

右九味以水一斗一升煮取三升去滓分三服古今錄驗用杏

人四兩紫苑三兩

海藻湯治欬而下利胃中痞而短氣心中時悸四肢不欲動手足煩不欲食肩背痛時惡寒方

海藻_{四兩} 五味子 半夏_{各半升} 生薑_兩

細辛_兩 茯苓_兩 杏仁_{五十枚}

右七味以水一斗煮取三升去滓分三服日三服方無

五味子生薑

白前湯治水欬逆上氣身體浮腫短氣脹滿晝夜倚壁不得卧咽中作水雞鳴方

白前 紫苑 半夏 大戟_{各二兩}

右四味以水一斗浸一宿明日煮取三升分三服

治九種氣嗽欲死百病方

乾薑	半夏	細辛	紫苑
吳茱萸	羌花 <small>一作羌花</small>	茯苓	甘草
芫遂	防葵	人參	烏頭
大黃	杏仁 <small>各五分</small>	葶藶 <small>分二</small>	巴豆
厚朴	白薇 <small>各三分</small>	五味子	遠志
前胡	葛蒲	枳實	蜀椒
皂莢	當歸	大戟	桂心 <small>各半</small>

右二十八味為末蜜丸如梧子大先食服二十九日二服以知為度不知增之

麻黃湯治上氣嗽方

麻黃斤半 杏仁百枚 甘草三兩 桂心一兩
 右四味治下篩別研杏仁如脂內藥末和合臨氣上時服一方寸匕食久氣未下更服一方寸匕可至三七氣發便服即止一方去桂心甘草

太醫令王叔和所撰御服蜀椒圓治上氣欬甚良方

蜀椒 <small>五分</small>	烏頭	杏仁	葛蒲
礬石 <small>一分云礬石</small>	皂莢 <small>各一分</small>	細辛	欬冬花
紫苑	乾薑 <small>各三分</small>	吳茱萸	麻黃 <small>各四分</small>

右十二味為末蜜丸如梧子大暮卧吞十九治二十年久欬

不過二十九

通氣圓治久上氣欬咽中腥臭虛氣攪心痛眼疼耳中嘈嘈風邪毒疰時氣食不生肌胸中隔塞嘔逆多唾惡心心下堅滿飲多食少惡疰淋痛病方

鉛糖三升

蜀椒二升

杏仁一升

蜈蚣五節

大附子五枚

乾薑

人參各四錢

桂心六分

烏頭七分

天門冬一錢

右十味為末別治杏人如脂稍稍內藥末千杵煖糖乃內藥末中令調和含如半棗一枚日六七夜二酉服以胸中溫為度若夢與鬼交通及飲食者全用吳吟食不消加杏仁五合

小腹急腰痛加天門冬杜仲有風駕頭三枚附子一枚立夏後勿加也有留飲加葶藶三兩

治欬嗽上氣方

蜀椒

桂心

海蛤各四分

昆布

海藻

乾薑

細辛各六分

麥門冬十分

右八味為末蜜丸如梧子大飲服十丸加至二十九日三服有人風虛中冷胸中滿上氣喉中如吹管聲吸吸氣上欲欬服此方得瘥

治欬嗽胸脇支滿多唾上氣方

礬石一作礬石

烏頭一方不用

菖蒲各分

細辛

黃環各二分 欵冬花 紫苑 杏仁各三分

吳茱萸四分 乾薑五分 蜀椒合五

右十一味為末蜜丸梧子大每服一丸著茶上咽汁日五六服劇者常含不止

又方 薑汁一升 砂糖合五

右二味煎薑汁減半內糖更煎服之

又方 白糖五分 皂莢末一方

右二味先微暖糖令消內皂莢末合和相得丸如小豆先食服三丸

又方酒一升半浸肥皂莢兩挺經宿煮取半升分三服七日忌

如藥法若吐多以酢飲三四日止之

又方巴豆炮去皮勿傷破肉白飲吞下初日二枚日三枚

又方服芥子七丸以油酒下之

射干煎治欵嗽上氣方

生射干 欵冬花各一兩 紫苑 細辛

桑白皮 附子 甘草各二分 白蜜

竹瀝 生薑汁各一升一云 飴糖五兩

右十一味以射干先內白蜜并竹瀝中煎五六沸去之吹咀六物以水一升合浸一宿煎七上七下去滓乃合飴薑汁煎如舖服如酸棗一丸日三劑者夜二不止加之以止為度

杏人煎治冷嗽上氣鼻中不利方

杏仁合五 五味子 欬冬花各三 紫苑

乾薑各二 桂心三 甘草四 麻黃斤一

右八味以水一斗煮取麻黃四升治諸藥為末又內膠飴半斤白蜜一斤合內汁中攪令相得煎如飴先食服如半棗許日三服不知加以知為度又方治忽暴嗽失聲語不出方

杏仁 薑汁 砂糖 蜜各一

五味子 紫苑各三 通草 貝母各四

桑根白皮五兩

右九味咬咀以水九升煮取三升去滓內杏仁脂薑汁蜜糖和攪微火煎取四升初服三合日再夜一後稍加

通聲膏方

五味子 欬冬花 通草各三 人參

細辛 青竹皮 桂心 菖蒲各二

杏仁 薑汁各一 白蜜二 棗膏三

稻升五

右十二味咬咀以水五升微火煎三上三下去滓內薑汁棗膏酥蜜煎令調和酒服棗大二十九杏仁飲子治暴熱嗽方

杏仁四十枚

紫蘇子一升

橘皮一兩

柴胡四兩

右四味以水一斗煮取三升分三服常作飲服

蘇子煎治上氣欬嗽方

蘇子

生薑汁

地黄汁

白蜜

杏仁各二升

右五味搗蘇子以地黄汁薑汁澆之以絹絞取汁更搗以汁澆又絞令味盡去滓熬杏仁令黃黑治如脂又以向汁澆之絹絞往來六七度令味盡去滓內蜜合和置銅器中於湯上煎之令如飴每服方寸匕日三夜一崔氏無地黄汁

又方

乾薑五兩

膠飴一斤

右二味和合調蒸五升米下冷以棗大合稍稍咽之且五夜

二

芫花煎治新久嗽方

芫花

乾薑各二兩

白蜜二升

右三味為末內蜜中令相和微火煎令如糜每服如棗核大一枚日三夜一以知為度欲利者多服治深師以治冷飲嗽又以水五升煮芫花取二升去滓內薑加蜜合煎如糜服之

欬冬煎治同前

欬冬花

乾薑末

紫苑各三兩

五味子二兩

芫花一兩 熬 令赤

右五味吹咀先以水一斗煮三味取三升半去滓內芫花乾薑末加蜜三升合投湯中令調於銅器中微火煎令如糖每服半棗許日三

治三十年欬嗽或飲或欬寒氣嗽雖不同悉主之方

細辛 欬冬花 防風 紫苑各三兩

梨蘆二兩 蜀椒五合

右六味吹咀取梨蘆先著銅器中次紫苑次細辛次欬冬花次椒以大棗百枚間著諸藥間以水一斗二升微火煮令汁盡出棗曝令燥雞鳴時服半棗不知明日服一枚以胸中溫溫為度若強人欲嗽吐者可小增服之便吐膿囊暴結吐後

勿冷飲食欬愈止藥藥勢靜乃食不爾令久吐不也
治三十年久嗽方

百部根二十斤搗取汁煎如飴服一方寸七日三服外臺和飴

一斤煎成煎以溫粥飲調下深師方以百蜜二斤更煎五六沸服二合

又方 紫苑二兩 欬冬花三兩

右二味治下節先食飲服一方寸七日三服七日瘥

又方 白蜜一斤 生薑二斤

右二味先秤銅鈔知斤兩訖內蜜復秤知數次內薑汁以微火煎令薑汁盡惟有蜜斤兩在止且服如棗大含一丸日三服禁一切雜食

治久嗽不瘥方

兔屎四十枚

硃砂二分

胡桐律一分

右三味為末蜜丸如梧子大每服三丸以粥飲下日三吐冷物盡即瘥

治精年欬嗽喉中呀聲一發不得坐卧方

紫苑

貝母

半夏

素根白皮

五味子

射干

百部各五分

欬冬花

皂莢

乾薑

橘皮

鬼督郵

細辛各四分

白石英

杏仁各八分

蜈蚣二枚

右十六味為末蜜和丸如梧子大飲服十九日再稍加至二十

十九崔氏無半夏射干乾薑橘皮鬼督郵細辛白石英用麻黃二兩芫根白皮一兩半以煮棗湯送下

欬冬圓治三十年上氣欬嗽唾膿血喘息不得卧方

欬冬花

乾薑

蜀椒

吳茱萸

桂心

菖蒲各五分

人參

細辛

芫花

紫苑

甘草

桔梗

防風

芫花

茯苓

皂莢各三分

右十六味為末蜜丸如梧子大酒服三九日三服

又方

石斛

防風

芫莢

人參

當歸

藁本

甘草

蜀椒

白朮 半夏 天雄 菖蒲
 鍾乳 桂心 麻黃各三兩 獨活二兩
 烏頭 芫花 附子各一兩 桃仁二十枚
 大棗二十枚

右二十四味為末蜜丸如梧子大酒服二十丸日二服不止
 加之酒漬服亦得

又方

紫苑各三分 欬冬花 乾薑 桂心
 細辛二分 杏仁 皂莢
 礬石一作礬石 菖蒲 烏頭各一分 蜀椒合五
 吳茱萸合六

右十二味為末蜜丸如梧子大酒服五丸日三夜一二十年
 嗽不過五十日愈欬嗽喉鳴上氣服一劑永瘥
 治肺傷欬唾膿血腸澀背氣不能食惡風目暗眩暈足脛寒冷
 方

白膠 生薑各五兩 桂心 人參
 紫苑各二兩 大棗二十枚 乾地黄切半 菜白皮切
 芎藭 大麻仁 飴糖各一升 大麥三升
 右十二味以水一斗五升煮麥取一斗去麥下藥煮取
 三升分五服
 五味子湯治唾中有膿血牽胃脇痛方

五味子

續斷各二兩

地黃各五兩

右九味以水九升煮取一升七分合分為三服

竹皮湯治欬逆下血不息方

生竹皮三兩

紫苑二兩

飴糖一升

生地黄切一升

右四味以水六升煮取三升去滓分三服

百部圓治諸嗽不得氣息喘膿血方

百部根三兩

升麻兩半

桂心

五味子

甘草

紫苑

乾薑各一兩

右七味為末蜜和丸如梧子大每服三九日三以正為度
治上氣欬喘息喉中有物唾血方

生薑汁

杏仁各二升

糖

蜜各一升

猪膏二合

右五味先以猪膏煎杏仁色黃出之以紙拭合淨擣如膏合
薑汁糖蜜等合煎合可丸每服如杏核一枚日夜六七服漸
漸增加

治一切肺病欬膿血及唾血不止方

好酥三十斤二徧鍊停取疑當出醅醅服一合日三服瘥
止一切藥皆不出此神方

醅醅之精液

又方三鍊酥如雞子黃適寒溫灌鼻中日再夜一
鍾乳七星散治寒冷欬嗽上氣胃滿唾膿血方又各

鍾乳 礬石 欬冬花 桂心各等分

右四味治下篩作如大豆七聚七星形以竹筒吸取酒送下
先食服日三不知加之數試大驗又云臨卧吸服之

又方 鍾乳 細辛 欬冬花

天雄 紫苑 石膏各等分

右六味治下篩取如大豆七聚如前法吸之日二只得食粥
七日嗽愈乃止若大豆聚不知小益之勿太多

七星散治三十年欬嗽方

欬冬花 紫苑 素根白皮 代赭

細辛 伏龍肝各一兩

右六味治下篩作七星聚聚如藕豆者以竹筒口當藥上
一吸咽之令藥入腹中先食日三元服四日日復作七星聚
以一臠肉炙令熟以展轉藥聚上令藥悉徧肉上仰卧嚼
之細細咽汁令藥力歆歆割割然毒氣入咽中藥力盡總咽
却取瘥止未瘥復作如初羊牛鹿肉皆可猪肉不可用

治嗽熏法

以熟薄布紙上紙廣四寸後以硫黃末薄布又上務令
調均以荻一枚如紙長捲之作十枚先以火燒纏下去荻

煙從孔出口吸煙咽之取吐止明日復熏之如前日一二
止自然可瘥得食白粥餘皆忌恐是重黃如硫黃見火必
焰矣

又方熏黃一兩研令細以蠟紙并止熏黃令與蠟相入調勻捲
之如前法熏之亦如上法日一二止以吐為度七日將息後以
羊肉灸補之

又方爛青布廣四寸布上布艾艾上布青艾艾上布少熏黃
末又布少鹽又布少豉末急捲之燒令著內燥罐中以紙蒙頭
便作一小孔口吸取煙細細咽之以吐為度若心曾悶時略歇
煙盡止日一二度用三捲不盡瘥三七日慎油膩

論曰凡上氣多有服吐藥得瘥亦有針灸得除者宜深體悟之
灸法

嗽灸兩乳下黑白際各百壯即瘥○又以蒲當乳頭周匝圍身
灸後前正平當脊骨解中灸十壯○又以繩橫量口中折繩從
脊灸繩兩頭邊各八十壯三報二日畢兩邊者是口合度○灸
從大椎數下行第五節下第六節上穴在中間此即神道穴隨年壯
并主上氣○灸手屈臂中有橫文外骨捻頭得痛處十四壯良
上氣欬嗽短氣氣滿食不下灸肺募五十壯○上氣欬逆短氣
風勞百病灸肩井二百壯○上氣短氣欬逆胃背痛灸風門熱
府百壯○上氣欬逆胃滿短氣毫背痛灸巨關期門各五十壯

上氣欬逆短氣曾滿多唾喘惡冷痰灸肺膈五十壯○上氣曾滿短氣欬逆灸雲門五十壯○上氣欬逆曾痺背痛灸曾堂百壯不針○上氣欬逆灸臍中五十壯○上氣氣閉欬逆咽冷聲破喉猜猜灸天瞿五十壯一名天突
 逆氣虛勞寒損憂恚筋骨攣痛心中欬逆泄注腹滿喉痺頸項強腸痔逆氣痔血陰急鼻衄骨痛大小便澀鼻中乾煩滿狂走易氣凡二十一病皆灸絕骨五十壯穴在內踝二三寸宛宛中

孫真人備急千金要方卷之五十七

孫真人備急千金要方卷之五十八

宋朝奉郎守太常少卿充祕閣校理林億等校正

大腸腑方

痰飲第六論方

論曰夫飲有四何謂師曰有痰飲有懸飲有溢飲有支飲問曰四飲之證何以爲異師曰其人素盛今瘦水走腸間漑漑有聲謂之痰飲飲後水流在脇下欬唾引痛謂之懸飲飲水過多水行歸於四肢當汗出而汗不出身痛體重謂之溢飲其人欬逆倚息短氣不得卧其人如腫謂之支飲
 凡心下有水者築築而悸短氣而恐其人眩而顛先寒即爲虛

先執即為實故水在於心其人心下堅築短氣惡水而不欲飲水在於肺其人吐涎沫欲飲水水在於脾其人少氣身體盡重水在於肝脇下支滿噎而痛水在於腎心下悸夫病人卒飲水多必暴喘滿凡食少飲多水停心下甚者則悸微者短氣脉雙弦者寒也皆大下後喜虛耳脉偏弦者飲也肺飲不弦但喜喘短氣支飲亦喘而不能眠加短氣其脉平也留飲形不發作無執脉微煩滿不能食脉沉滑者留飲病病有留飲者脇下痛引缺盆噉轉甚其人欬而不得卧引項上痛欬者如小兒掣瘵狀夫胃中有留飲其人短氣而渴四肢歷節痛其脉沉者有留飲也心下有留飲其人背寒冷大如手病人肩息

上引此皆有溢飲在胃中又者缺盆滿馬力腫有處時此為氣飲所致也膈上之病滿喘欬吐發則寒熱背痛惡寒自泣自出其人振振身瞤劇必有伏飲病人一臂不隨時復轉移在一臂其脉沉細此非風也必有飲在上焦其脉虛者為微勞榮衛氣不周故也冬自瘥一本又作久自瘥病痰飲者當用溫藥和之

小半夏湯病心腹虛冷遊痰氣上胃脇滿不下食嘔逆者方

半夏升一 生薑斤一 橘皮兩四

右三味以水一斗煮取三升分三服若心中急及心痛內桂心四兩若腹滿痛內當歸三兩薤白及老人尤宜服之

一方用人參二兩仲景無橘皮人參

又方

半夏升

生薑斤

桂心兩

甘草兩

右四味以水七升煮取二升半分三服

甘草湯治心下痰飲胃脇支滿目眩方

甘草二兩

桂心

白朮各兩

茯苓兩

右四味以水六升宿漬者取三升去滓服一升且三小

十棗湯治病懸飲者若下後不可與也凡上氣汗出而欬者此為飲也方見欬嗽篇中

小青龍湯病溢飲者當發其汗方見欬嗽篇中范汪用大青龍湯

木防已湯膈間有支飲其人喘滿心下痞堅面色黧黑其脉沉緊得之數十日醫吐下之不愈者用此方

木防已兩

桂心兩

人參兩

石膏雞子大十二枚

右四味以水六升煮取二升分三服虛者即愈實者三日復發發則復與若不愈去石膏加茯苓四兩確硝三合以水六升者取二升去滓下硝令烱分二服微下利即愈一方不加茯苓

厚朴大黃湯夫酒客欬者必致吐血此坐又飲過度所致也其脉虛者必胃滿胃中本有支飲支飲胃滿主之方

厚朴尺一

大黃兩六

枳實兩四

右三味以水五升者取二升分爲二服溫服之

葶藶大棗瀉肺湯治支飲不得息方見肺癰篇中

小半夏加茯苓湯嘔家不渴渴者爲欲解本渴今反不渴心下

有支飲故也小半夏湯主之又有先渴却嘔者此爲水停心下

小半夏加茯苓湯主之治卒嘔吐心下痞膈間有水目眩悸方

半夏升一

茯苓兩三

生薑斤半

右三味以水七升者取一升五合去滓分再服溫服之

胡洽不用茯苓用桂心四兩

五苓散假令瘦人臍下有悸者吐涎沫而顛眩水也此方主之

方見前第九卷中

椒目圓腹滿口乾燥此腸間有水氣此方主之

椒目

水防己

大黃各一兩

葶藶兩二

右四味爲末蜜丸如梧子大先食飲服九日三後稍增口

中有津液止渴者加砒硝半兩

其遂半夏湯病者脉伏其人欲自利利者反快雖利心下續堅

滿此爲留飲欲去故也此方主之

其遂大者三枚

半夏十二枚水一升者取半升

芍藥枚二

甘草一枚如指大水一升煮取半升

右四味以蜜半升內二藥汁合得一升半煎取八合頓服之

大茯苓湯主胃中結痰飲滯結臍下弦滿嘔逆不得食亦主風水方

茯苓

白木各三兩

當歸

橘皮

附子各三兩

生薑

半夏

桂心各四兩

細辛四兩一作八兩

右九味以水一斗煮取三升去滓分三服服三劑良

茯苓湯治胃膈痰滿方

茯苓四兩

半夏一升

生薑一斤

桂心八兩

右四味以水八升煮取二升半分四服冷極者加大附子四兩若氣滿者加檳榔三七枚此方與前卷嘔吐篇方相重分兩加減法不同

大半夏湯治痰冷滯飲胃膈中不理方

半夏一升

白木三兩

生薑八兩

茯苓

人參

桂心

甘草

附子各二兩

右八味以水八升煮取三升分三服

半夏湯治痰飲滯氣吞酸方

半夏

吳茱萸各三兩

生薑六兩

附子一枚

右四味以水五升煮取二升半分三服老小各半日三

乾棗湯治腫及支滿滯飲方

大棗十枚

大戟

大黃

黃芩

甘草

甘遂各二兩

芫花

芫花各半兩

右八味吐咀以水五升煮取一升六合分四服空心服以快下為度

當歸湯治留飲宿食不消腹中積聚轉下方

當歸

人參

桂心

黃芩

甘草

芍藥

芒硝各二兩

大黃四兩

生薑

澤瀉各三兩

右十味吐咀以水一斗煮取三升分三服

治痰飲食不消乾嘔方

人參

旋復花

橘皮

細辛各一兩

大半澤瀉

白朮

杏仁

枳實各二兩

茯苓

柴胡

生薑

半夏

芍藥各三兩

右十三味吐咀以水九升煮取三升七分六合分三服日三

治胃中痰飲腸中水鳴食不消嘔吐水上方

檳榔十二枚

生薑

杏仁

白朮各四兩

半夏八兩

茯苓五兩

橘皮三兩

右七味吐咀以水一斗煮取三升去滓分三服

吳茱萸湯治胃中積冷心嘔煩滿注注不下飲食心胃應背痛方

吳茱萸三

半夏四兩

桂心

人參各二兩

甘草一兩

生薑五兩

大棗二十枚

右七味以水九升煮取三升去滓分三服日三

治胃膈心腹中痰水冷氣心下汪洋嘈煩或水鳴多唾口中清水自出脇肋急脹痛不欲食此皆胃氣弱受冷故也其脉喜沉弦細遲悉主之方

半夏

生薑各五兩

芍藥二兩

茯苓四兩

旋復花

細辛

橘皮

桂心

人參

甘草

桔梗各二兩

右十味以水一斗煮取三升分三服病先有時喜水下者用白朮三兩去旋復花若欲得利者加大黃二兩須微

調者用乾地黄

治冷熱久滯實不能飲食心下虛滿如冰狀方

前胡

生薑

茯苓

半夏各四兩

甘草

枳實

白朮各三兩

桂心二兩

右八味以水八升煮取三升分三服

前胡湯治胃中久寒滯實隔塞胃痛氣不通利三焦冷熱不調飲食減少無味或寒熱身重卧不欲起方

前胡

人參

當歸

甘草

半夏各二兩

大黃

防風

麥門冬

吳茱萸

黃芩各一兩

生薑四兩

杏仁四十枚

右十二味以水一斗煮取三升去滓分三服深師方云若脇下滿
加大棗十二枚此利水亦佳
旋復花湯治腎膈痰結唾如膠不下食者方

- 旋復花
- 細辛
- 前胡
- 甘草
- 茯苓各二兩
- 生薑八兩
- 桂心四兩
- 半夏一分
- 烏頭五枚

右九味以水九升煮取三升去滓分三服
薑椒湯治腎中積聚痰飲食減少胃氣不足欬逆嘔吐方

- 薑汁七合
- 蜀椒三合
- 桂心
- 附子
- 甘草各一兩
- 橘皮
- 桔梗
- 茯苓各二兩

半夏三兩
右九味以水九升煮取三升去滓內薑汁煮取二升分三服服三劑往若欲服大散諸五石丸必先服此湯及進黃耆丸佳一方不用甘草

薑附湯治痰冷澀氣腎滿短氣嘔沫頭痛飲食不消化方
生薑八兩 附子四兩生用四破
右二味以水八升煮取三升分四服亦主卒風
擦膈散治心上結痰飲實寒冷心悶方

- 瓜丁二十枚
- 赤小豆二十七枚
- 人參
- 甘草各一分
- 右四味治下飾酒服方寸七日亦治諸黃

斷膈湯治胃中痰滯方

恒山兩三

甘草

松蘿各一兩

瓜蒂二十枚

右四味以水酒各一升半煮取一升半分三服後服漸

減之得快吐後須服半夏湯見前篇

松蘿湯治胃中痰積熱皆除方

松蘿兩二

烏梅

梔子各十枚

甘草

恒山兩三

右五味以酒三升浸一宿平旦以水三升者取一升半

去滓頓服之亦可分二服一服得快吐即止

杜蘅湯主吐百病方

杜蘅

松蘿各三兩

瓜丁三七枚

右三味以酒一升二合漬一宿去滓分三服若一服即

吐者止未吐者更服相去如行千里久令藥力盡服一升稀

糜即定老小用之亦佳

蜜煎主寒熱方

蜜五合

恒山

甘草各二兩

右三味取三味以水一斗煮取三升去滓內蜜五合溫

服七合吐即止不吐更服七合勿與冷水一方用甘草半兩

又方

蜜六合

醋八合

右二味調和平旦頓服須臾猥猥然欲吐擿之若意中不盡

千金方

卷五

九

政生

明且更服無不大嘔安穩

治卒頭痛如破非中冷又非中風其痛是曾膈中痰厥氣上衝所致名爲厥頭痛吐之即瘥方

單煮茗作飲二三升許適冷暖飲二升須臾擿即吐吐畢又飲如此數過劇者須臾止不損人而渴則瘥葱白湯治冷膈厥發時頭痛悶亂欲吐不得者方

葱白二七

桃葉一把一三作

真珠

恒山

烏頭

甘草各半

右六味以水酒各四升和煮取三升去滓內珠每服一升吐即止

大五飲圓主五種飲一曰留飲停水在心下二曰澼飲水澼在兩脅下三曰痰飲水在胃中四曰溢飲水溢在膈上五臟間五曰流飲水在腸間動搖有聲夫五飲者內飲酒後及傷寒飲冷水過多所致方

茯苓

遠志

苦參

藜蘆

烏賊骨

白朮

甘遂

大黃

石膏

栝蒌根

桔梗

半夏

紫苑

前胡

五味子

芒硝

桂心

芫花

當歸

人參

貝母

茯苓

芍藥

大戟

本草卷之五十八

葶藶

黃芩各三兩

甘草

恒山

薯蕷

厚朴

細辛

附子各三分

巴豆三十枚

右三十三味為末蜜和丸如梧子大飲服三九日三稍稍加之以知為度

旋復花圓治停痰澀飲結在兩脅腹脹滿羸瘦不能食食不消化喜唾乾嘔大小便或澀或利腹中動搖作水聲腹內熱口乾好飲水漿卒起頭眩欲倒脇下痛方

旋復花

桂心

枳實

人參各五兩

甘遂三分

吳茱萸

細辛

大黃

黃芩

葶藶

厚朴

芫花

橘皮各四分

乾薑

芍藥

白朮各六分

茯苓

狼毒

烏頭

礬石各八分

右三味為末蜜丸如梧子大酒服五九日二後加以知為度

延年丸無白朮狼毒烏頭礬石細辛黃芩厚朴吳茱萸芫花橘皮甘遂有皂莢附子各二分蜀椒防葵杏仁各三兩乾地黄四分

中軍黑候圓治澀飲停結滿悶目暗方黑又作里

芫花三兩

巴豆八分

杏仁五分

桂心

桔梗各四分

右五味為末蜜丸如胡豆每服三丸稍增得快下止

順流紫圓治心腹積聚兩脇脹滿留飲痰癖大小便不利小腹切痛膈上塞方

石膏分五

代赭

烏賊骨

半夏各三分

桂心分四

巴豆枚七

右六味為末蜜丸如胡豆平且服一丸加至二丸胡洽有藜蘆從蓉當歸各三分范注方無石膏半夏有當歸

一分茯苓一分從蓉二分藜蘆五分

治停痰癖飲結在兩脇腹滿羸瘦不能飲食食不消喜唾乾嘔

大小便或澀或利方

旋復花

大黃

附子

茯苓

椒目

桂心

芫花

狼毒

乾薑

芍藥

枳實

細辛各八分

右十二味為末蜜丸如梧子飲下三九日三服後漸增

治風氣膈上痰飲方

不開口苦飢湯煮三五沸以物裹慰心膈上

治結積留飲癖囊骨滿飲食不消方

灸通谷五十壯

九蟲第七方論

論曰人腹中有蟲尸此物與人俱生而為人大害尸蟲之形狀似大馬尾或如薄筋依脾而居乃有頭尾皆長三寸又有九蟲一曰伏蟲長四分二曰蛇蟲長一尺三曰白蟲長一寸四曰肉

蟲狀如爛杏五曰肺蟲狀如蠶六曰胃蟲狀如蝦蟇七曰弱蟲
 狀如瓜瓣八曰赤蟲狀如生肉九曰蟯蟲至細微形如菜蟲狀
 伏蟲則羣蟲之主也蛇蟲貫心則殺人白蟲相生子孫轉後其
 母轉大長至四五寸亦能殺入肉蟲令人煩滿肺蟲令人欬嗽
 胃蟲令人嘔吐胃逆喜噦弱蟲又名膈蟲令人多唾赤蟲令人
 腸鳴蟯蟲居腸胃之間多則為痔劇則為癩因人瘡癩即生諸
 癰疽癬癩疥癬蟲無所不為人亦不必盡有有亦不必盡多
 或偏有或偏無類婦人常多其蟲凶惡人之極患也常以白筴
 草沐浴佳根葉皆可用既是香草且是尸蟲所畏也
 論曰凡欲服補藥及治諸病皆須去諸蟲并痰飲宿癖醒醒除

盡方可服補藥不爾必不得藥力

治肝勞生長蟲在肝為病恐畏不安眼中方

蠟

吳茱萸東行根皮各三兩 乾漆四兩

雞子五枚 粳米粉半斤

右五味搗茱萸皮為末和藥銅器中煎九如小豆大宿勿食可平旦飲服一百丸雞子小兒服五十九丸當爛出集驗方無

治心勞熱傷心有長蟲名曰蠱長一尺貫心為病方

雷丸

橘皮

桃仁一作桃皮

石蠶各五分

狼牙分大

貫衆二枚

殭蠶三七枚

吳茱萸根皮分七

蕪荑

青箱

乾漆各四分

亂髮如雞子
犬燒

右十二味為末密丸如梧子空腹苦酒下七丸加至二十七丸

日一服一方無石蠶

治脾勞熱有白蟲在脾中為病冷飲好嘔下蟲方

大麻子升八

東引吳茱萸根大者一尺

橘皮二兩

右三味以水煎臨時量服凡合禁聲勿語道作藥蟲當

聞便不下切忌之

治肺勞熱生蟲在肺為病方

狼牙三兩

東行桑根白皮切一升

東行吳茱萸根白皮五合

右三味以酒七升煮取一升平旦頓服之

治腎勞熱四肢腫急蟻蟲狀如菜蟲在腎中為病方

蕪荑

胡粉

槐皮各一兩

乾漆二兩

貫衆三枚

杏仁四十枚

吳茱萸五十枚

右七味治下篩平旦并花水服方寸匕加至一匕半瘥止

治蟻蟲方

以好鹽末二兩苦酒半升合銅器中者數沸宿不食空心頓服之

又方

玳瑁二兩

亂髮如雞子
犬燒

千金方

卷五十八

古

右二味治下飾以苦酒調旦起頓服之肘後方用
蕪蕪圓治少小有蛇蟲結在腹中數發腹痛微下白汁吐悶寒熱飲食不生肌皮肉疼黃四肢不相勝舉方

蕪蕪

貫眾

雷丸

山茱萸

天門冬

狼牙各八分

藿蘆

甘菊花各四分

右八味為末蜜丸如大豆三歲飲服五九五歲以上以意加之漸至十九加藿蘆六分名藿蘆丸治老小及婦人等萬病腹內冷熱不通急滿痛腎膈堅滿手足煩熱上氣不得飲食身體氣腫腰脚不遂腹內狀如冰雞鵲婦人月經不調無所不治

治蛇蟲方

藿蘆末以飲醪和服方寸匕不覺加之備急以治
治熱患有蛇蟲懊懷方

藿蘆十分

乾漆

篇竹各二分

右三味治下飾米飲和一合服之日三
治蛇蟲在胃中漸漸羸以方

醇酒

好漆外臺作

白蜜各一升

右三味內銅器中微火煎令可丸如桃核一枚溫酒中宿勿食旦服之蟲必下未下更服外臺治
又方取棟實淳苦酒中浸再宿用綿裹內穀道中入三寸一日

易之集驗方用
治長蟲

治蛇蟲攻心腹痛方

劉蕙苾根二斤以七升水煮取三升先食服之蟲即死出

又方鶴蟲苦酒空腹服方寸匕佳

又方七月七日採蒺藜子陰乾燒灰先食服方寸匕日三即瘥

治寸白蟲方

吳茱萸細根一把熟搗

大麻子三升熬

右二味以水三升和搗取汁平旦頓服至巳時與好食令飽

須臾蟲出不瘥明旦更合服之不瘥三日服酒後治三蟲以酒漬取汁服

又方

蕪荑六分

狼牙四分

白欬二分

右三味治下節以苦酒二升和一宿次早空腹服之

又方

胡麻一分

胡粉兩

右二味為末明旦空腹以猪肉臠汁噉盡即瘥

又方樗子四十九枚去皮以月上旬平旦空腹服七枚七日服

盡蟲消成水永瘥

又方取吳茱萸北陰根乾去土切一升以酒一升浸一宿平旦

分三服凡茱萸皆用細根東引北陰者良若如指以上犬不在

用

又方用石榴根如茱萸法亦可水煮

又方研大麻取汁五升分五服亦治小兒蛇蟲

并金方

卷五

十六

卷五

又方以好油麻二升煎令熟內葱白三寸葱白黑便熟冷頓服

又方熬錫金十分燥作末以藥方寸七內羊肉臛中服之

又方桑根白皮切三升以水七升煮取二升宿勿食平旦空腹

頓服用後云卒大行中見是腹中已多蟲故也宜速理之

又方檳榔二七枚治下節以水二升半先煮其皮取一升半去

滓內末頻服暖則蟲出或不盡更合服取瘥止宿勿食旦服之

論曰凡得傷寒及天行熱病腹中有熱又人食以腸胃空虛三

蟲行作求食蝕入五臟及下部若齒斷無色舌上盡白甚者唇

裏有瘡四肢沉重忽忽喜眠當數看其上脣內有瘡唾血脣內

如粟瘡者心內懊懣痛悶此蟲在上蝕其五臟下脣內生瘡者

其人喜眠此蟲在下蝕其下部人不能知可服此蝕蟲藥不爾

醫蟲殺人又曰凡患濕慝者多是熱病後或久下不止或有客

熱結在腹中或易水土溫涼氣著多生此病亦有乾蠱不甚泄

痢而下部瘡癢不問乾濕久則殺人凡濕得冷而苦痢單煮黃

連及艾葉苦參之屬皆可用之若病人齒斷無色舌上白者或

喜眠煩憤不知痛癢處或下痢急治下部不曉此者但攻其上

不以下部為意下部生蟲蝕其肛肛爛見五臟便死燒艾於

竹筒熏之

治傷寒蠱病方

取生雞子小頭印出白入椀一合熟和攪令極調當沫出
更內著殼中仰吞之食頃或半日乃吐下蟲處者再服蟲
盡熱除病愈

治濕匿方

黃連

生薑各十兩

艾葉八兩

苦參四兩

右四味咬咀以水一斗煮取三升分三服又者服三劑

懊懣散治濕匿瘡爛殺蟲除匿方

篇竹兩半

藿蘆

雷丸

青箱

女青

桃仁各三兩

右六味治下篩粥飲服方寸七日三加至二七亦酒服

青箱散治熱病有匿下部生瘡方

青箱子兩

橘皮

篇竹各二兩

藿蘆兩

甘草一分

狼牙三分

右六味治下篩米飲和每服一合日三服不止稍加之小品無甘草

薑蜜湯治濕匿方

生薑汁五合

白蜜三合

黃連三兩

右三味以水二升別煮黃連取一升去滓內薑蜜更煎取一

升二合五歲兒平旦空腹服四合日一

治匿蟲蝕下部癢穀道中生瘡方

阿膠

當歸

青箱子各一兩

艾葉一把

右四味咬咀以水八升煮取二升半去滓分三服

杏仁湯治蠶方

杏仁五十枚

苦酒二升

鹽一合

右三味和煮取五合頓服之小兒以意量服

桃皮湯治蟻蟲蛔蟲及痔蠶蟲食下部生瘡方

桃皮

艾葉各一兩

槐子三兩

大棗三十枚

右四味咬咀以水三升煮取半升頓服之良

猪膽苦酒湯治熱病有蠶上下攻殺人方

猪膽一具苦酒半升和之火煎令沸三上卞藥成放温空腹

飲三滿口蟲死便愈

治濕病下部有瘡蟲蝕人五臟方

雄黃

皂莢各一分

麝香

朱砂各二分

右四味為末蜜和搗萬杵初得病酒服如梧子大一丸日二

若下部有瘡取如梧子大末內下部日二

治下部生瘡方

濃煮桃皮煎如糖取內下部口中有瘡含之

治濕蠶方

取生薑刮去皮斷理切之極熟研取汁一升半又以水一升半合和相得平旦空腹服之仍削生薑二枚如繭大以

楸葉苦桃葉數重裹訖於爐灰火中燒令極熱內下部中
食頃若濕盛者三日一作頻服無有不瘥

又方

青黛兩一

黃連

黃蘗

丁香各一兩

麝香分二

右五味治下飾以小棗犬內下部中日一度重者棗次和專

脂二三合灌下部中日二服

雄黃免散治時氣病蠶下部生瘡方

雄黃兩半

桃仁兩一

青柏子

黃連

苦參各三兩

右五味為末綿裹如棗核犬內下部亦可棗汁服方寸匕

治病蠶方

燒馬蹄灰作末以猪脂和傅綿繩上內下部中日四五度

治大孔蟲癢方

蒸大棗取膏以水銀檢和長三寸綿裹訖宿內大孔中明
且蟲皆出水銀損腸宜慎之

治蟲蝕下部方

胡粉

雄黃

右二味各等分為末著穀道中亦治小兒

治傷寒熱病多譫變成濕蠶四肢煩疼不得食方

羊桃十斤切搗令熟腰湯三斗淹浸之日正午時入中坐

一炊久不過二度瘥

治熱病蝮毒令人喜寐不知痛處面赤如醉下利膿血當數視其人下部大小之孔稷稷然搜然赤則膿瘡者也劇困殺人見人肝肺服藥不瘥可薰之方

以泥作小甕令受一升竹筒一枚如指大者一頭橫穿入甕腹中一頭內人穀道中淺入可取熟艾如雞子大著甕中燃之於甕口吹煙令入人腹艾盡乃止大人可益艾小兒減之羸者不得多多亦害人日再薰不過三作蟲則死下斷亦可未燒雄黃如此熏之

孫真人備急千金要方卷之五十八 丙辰冬十二月大戶孟通

